

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

« 17 » « 04 » 2024 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հասմիկ Հակոբյան, որը գործում է պետական մարմնի կանոնադրության հիման վրա, մի կողմից, և «Պատմամշակութային ժառանգության գիտահետազոտական կենտրոն» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Խաչիկ Հարությունյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2023 թվականի դեկտեմբերի 28-ի «ՀՀ 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ որոշում)՝ որոշման «1075. Մշակութային ժառանգության ծրագիր» ծրագրի «11008. Պատմության, մշակույթի անշարժ հուշարձանների հանրահոշակում միջազգային հարթակներում» միջոցառման իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

### 1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պթետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում ««Երևանի ուրարտական ժառանգությունը» (Էրեբունի, Կարմիր բլուր հնավայրեր, Երևանի բիայնական դամբարան)՝ ՅՈՒՆԵՍԿՕ-ի Համաշխարհային ժառանգության նախնական ցանկում ընդգրկելու հայտի մշակում և ներկայացում» ծրագիրը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

### 2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

#### 2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ

պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների

շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

#### **2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար: Բովանդակային

հաշվետվությունը ներկայացվում է ամբողջական տեղեկատվություն միջոցառումների իրականացման, հրապարակման և ընթացքի, այդ թվում՝ արդյունքների գնահատման, մասնակիցների քանակի վերաբերյալ, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլն, ներառյալ՝ իրազեկման բոլոր հարթակների տեսանելի վայրում պետական մարմնի (որպես ֆինանսավորող կողմ) վերաբերյալ այլ տեղեկատվական նյութեր)՝ էլեկտրոնային կրիչներով: Կազմակերպությունը պատասխանատվություն է կրում բովանդակային հաշվետվությամբ ներկայացված տվյալների իսկության համար,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. միջոցառման իրականացման մասին իրազեկման բոլոր հարթակների տեսանելի վայրում (ներառյալ ազդագրերը, հրավիրատոմսերը, մամուլի հրապարակումները և այլն), ինչպես նաև միջոցառման իրականացման մասին իրազեկմանն ուղղված ցանկացած գրավոր և/կամ բանավոր խոսքում հրապարակել պետական մարմնի անունը (որպես ֆինանսավորող կողմ), իսկ համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ միջոցառմանն աջակցող կազմակերպության(ների), ֆինանսավորման չափի և վերջինիս(ներիս) հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5.0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել Աշխատանքային օրենսգրքով, ինչպես նաև «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-ին կետով հաշվետվությունների համար սահմանված ժամկետից հետո 20 օրվա ընթացքում:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանն է հատկացնում է 3240.0 հազար (երեք միլիոն երկու հարյուր քառասուն հազար) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20%-ը սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2024 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2024 թվականի ընթացքում ենթակա են վերադարձման ՀՀ պետական բյուջե:

#### **4. ՊԱՅՄԱՆԱԳՐԻ ԺԱՄԿԵՏԸ**

4.1. Սույն պայմանագրով նախատեսված միջոցառումների կատարման ժամկետը մինչև 2024 թ. նոյեմբերի 1-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը:

4.2. Սույն պայմանագիրն ուժի մեջ է մտնում կողմերի ստորագրման պահից, տարածվում է 2024 թվականի ապրիլի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

#### **5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն՝ համաձայն Հավելված N 4-ի:

#### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը

կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:


9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

#### ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն  
Հասցե՝ ք. Երևան, Վ. Սարգսյան 3,  
Կառավարական 2-րդ շենք  
ՀՀ ՖՆ գործառնական վարչություն  
Հ/Հ 900011046704  
ՀՎՀՀ 02698732

Գլխավոր քարտուղար՝



Հ. Հակոբյան  
Կ.Տ.

#### ԿԱԶՄԱՎԵՐՊՈՒԹՅՈՒՆ՝

«Պատմամշակութային ժառանգության գիտահետազոտական կենտրոն» ՊՈԱԿ  
ք. Երևան, Փ. Բուզանդի փ. թիվ 1/3  
ՀՀ ՖՆ գործառնական վարչություն  
Հ/Հ 900018001785  
ՀՎՀՀ 02511444  
Հեռ.՝ 010 52-66-18

Տնօրեն՝



Խ. Հարությունյան  
Կ.Տ.

**ԾՐԱԳԻՐ**

«Երևանի ուրարտական ժառանգությունը» (Էրեբունի, Կարմիր բլուր հնավայրեր, Երևանի բիայնական դամբարան)՝ ՅՈՒՆԵՍԿՕ-ի Համաշխարհային ժառանգության նախնական ցանկում ընդգրկելու հայտի մշակում և ներկայացում»

1	Կազմակերպության անվանում	«Պատմամշակութային ժառանգության գիտահետազոտական կենտրոն» ՊՈԱԿ
2	Կազմակերպության գտնվելու վայր	Ք. Երևան, Բուզանդի 1/3
3	Ծրագրի անվանում	«Երևանի ուրարտական ժառանգությունը» (Էրեբունի, Կարմիր բլուր հնավայրեր, Երևանի բիայնական դամբարան)՝ ՅՈՒՆԵՍԿՕ-ի Համաշխարհային ժառանգության նախնական ցանկում ընդգրկելու հայտի մշակում և ներկայացում
3.1	Բովանդակություն	<p>ՅՈՒՆԵՍԿՕ-ի Համաշխարհային ժառանգության ցանկում Հայաստանի Հանրապետությունից գրանցված է 3 հուշարձանախումբ՝ Սանահինի և Հաղպատի վանական համալիրները, Գեղարդավանքը և Ազատ գետի վերին հովիտը, Էջմիածնի Մայր տաճարը, եկեղեցիներն ու Զվարթնոցի տաճարը: Այս բոլոր գրանցումները կատարվել են 1998-2000թթ, որից հետո Հայաստանի Հանրապետության կողմից որևէ նոր հուշարձան չի գրանցվել:</p> <p>ՅՈՒՆԵՍԿՕ-ի Համաշխարհային ժառանգության նախնական ցանկում Հայաստանի Հանրապետությունից գրանցված է 4 հուշարձանախումբ՝ Դվին հնավայրը, Նորավանքն ու Ամաղուի ձորահովիտը, Երեբունյքի տաճարը, Տաթև վանական համալիրն ու Տաթևի անապատը: Այս բոլոր գրանցումները կատարվել են 1995 թ.:</p> <p>Ըստ ՅՈՒՆԵՍԿՕ-ի ընթացակարգերի՝ մինչև Համաշխարհային ժառանգության հիմնական ցանկում ընդգրկվելը՝ անհրաժեշտ է, որ օբյեկտը ընդգրկված լինի նախնական ցանկում:</p> <p>Հաշվի առնելով 1972թ"ՅՈՒՆԵՍԿՕ-ի Համաշխարհային ժառանգության պահպանության կոնվենցիայի գլխավոր ասամբլեայի տարեկան որոշումները ու հայտերի գրանցման ընթացակարգային փոփոխությունները՝ աշխատանքը կներառի նաև կազմված հայտերի շարունակական լրամշակում՝ վերջնանպատակին, հայտի գրանցմանը հասնելու համար:</p> <p>Ծրագիրը նախատեսում է հավաքագրել և համակարգել ՀՀ մայրաքաղաք Երևանի կարևորագույն ուրարտական հուշարձաններ համարվող Էրեբունի և Կարմիր բլուր հնավայրերի, ինչպես նաև՝ Երևանի բիայնական դամբարանի վերաբերյալ տեղեկատվություն և անհրաժեշտ</p>



	<p>տվյալների հենք (քարտեզներ, գծագրեր, վերակազմություններ, երկրաբանական և բուսաբանական տվյալներ, տեքստ և այլն) ապահովել վերջիններիս՝ որպես «Երևանի ուրարտական ժառանգությունը» հայտի ՅՈՒՆԵՍԿՕ-ի համաշխարհային մշակութային ժառանգության նախնական ցանկում ընդգրկման գործընթացը սկսելու համար:</p> <p>Ծրագիրն իրականացվելու է չորս հիմնական փուլերով.</p> <ol style="list-style-type: none"> <li>1. Հուշարձանների կարճաժամկետ թիրախային դաշտային աշխատանքներ՝ ՅՈՒՆԵՍԿՕ-ի նախնական ցանկում ընդգրկվող տարածքի առանձնացման, հուշարձանների պահպանվածության աստիճանի գնահատման և քարտեզագրման նպատակով:</li> <li>2. Համալիրի տարածքներում դաշտային հետախուզական աշխատանքների, նախկինում իրականացված և ներկայումս ընթացող պեղումների արդյունքում հավաքագրված տվյալների համակարգում, մշակում և քարտեզների պատրաստում համալիրի՝ ՅՈՒՆԵՍԿՕ-ի նախնական ցանկում ընդգրկման հայտի պատրաստման համար:</li> <li>3. Հուշարձանների տարածքում իրականացված երկրաբանական և բուսաբանական հետազոտությունների արդյունքում հավաքագրված տվյալների մշակում և քարտեզների պատրաստում:</li> <li>4. Համալիրի՝ ՅՈՒՆԵՍԿՕ-ի նախնական ցանկում ընդգրկման դիմում-հայտի լրացում և անգլերեն թարգմանություն:</li> </ol>
<p>3.2 Նպատակ</p>	<p>«Երևանի ուրարտական ժառանգությունը» հայտը ՅՈՒՆԵՍԿՕ-ի նախնական ցանկում ընդգրկումն ունի մի քանի նպատակ.</p> <p>Էրեբունի հնավայրը որպես ՀՀ մայրաքաղաք Երևանի սկզբնավորման օրրան, առավել շատ քանակով որմնանկարներ հայտնաբերված հնավայր, տարածաշրջանի հնագույն ջրամատակարարման համակարգ ունեցող բացառիկ հնավայր, Երևանի հնագույն ուրարտական փողոց ունեցող ամրոց</p> <p>Կարմիր բլուր հնավայրը որպես նախաուրարտական, ուրարտական և հետուրարտական ժամանակաշրջանների տարածաշրջանի բացառիկ հնագույն կենտրոն, տարածաշրջանում ուրարտական ժամանակաշրջանի աղյուսաշեն ճարտարապետություն ունեցող բացառիկ հնավայր, Հարավային Կովկասում ուրարտական ժամանակաշրջանում ուրբանիզացիոն գործընթացը փաստող բացառիկ հնավայր, տարածաշրջանում ուրարտական ժամանակաշրջանի համար դեռևս ամենամեծ դամբարանադաշտն ունեցող հնավայր, տարածաշրջանի, սկյութական աշխարհի և Միջագետքի միջև</p>

		<p>փոխառնչությունները փաստող բացառիկ ուրարտական հուշարձան, Հարավային Կովկասում դեռևս միակ երկաթեդարյան ախոռ-քարավանատունն ունեցող հնավայր, հայկական ճարտարապետական ավանդական մոտեցումների նախատիպերը ունեցող հնավայր Երևանի բիայնական դամբարանը՝ որպես Հարավային Կովկասում միակ ուրարտական մոնումենտալ ուրարտական դամբարան, ուրարտական ժամանակաշրջանի թաղման ծեսերի, թաղման հետ կապված հավատալիքների մասին վկայող եզակի հուշարձան հանրահռչակում՝ որպես տարածաշրջանում բացառիկ հնավայրեր,</p> <p>Հայաստանի կարևորագույն ուրարտական հուշարձանների միջազգային հանրահռչակում հասարակության լայն գանգվածների համար</p>
3.3	Անցկացման ժամկետ	2024 թվականի ապրիլից հոկտեմբեր ամիսներ
3.4	Անցկացման վայր	ՀՀ, քաղաք Երևան, Էրեբունի, Կարմիր բլուր հնավայրեր, Երևանի բիայնական դամբարան Ք. Երևան, Էրեբունի 38, 0020, Բուզանդի 1/3
3.5	Ակնկալվող արդյունքներ	Նոր արժեքի ընդգրկում ՅՈՒՆԵՍԿՕ-ի Համաշխարհային ժառանգության նախնական ցանկում, շուրջ 20 տարվա բացի լրացում, Երևանի ուրարտական ժառանգության՝ որպես Հայկական լեռնաշխարհին բնորոշ համամարդկային և համընդգրկուն հուշարձանի հանրահռչակում:
3.6	Ոչ ֆինանսական ցուցանիշներ	1 հայտի մշակում և թարգմանություն անգլերենով

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
Հասցե՝ ք. Երևան, Վ. Սարգսյան 3,  
Կառավարական 2-րդ շենք  
ՀՀ ՖՆ գործառնական վարչություն  
Հ/Հ 900011046704  
ՀՎՀՀ 02698732

Գլխավոր քարտուղար՝

  
Հ. Հակոբյան  
Կ.Տ.



**ԿԱԶՄԱԿԵՐՊՈՒԹՅՈՒՆ՝**

«Պատմամշակութային ժառանգության գիտահետազոտական կենտրոն» ՊՈԱԿ  
ք. Երևան, Փ. Բուզանդի փ. թիվ 1/3  
ՀՀ ՖՆ գործառնական վարչություն  
Հ/Հ 900018001785  
ՀՎՀՀ 02511444  
Հեռ.՝ 010 52-66-18

Տնօրեն՝

  
Խ. Հարությունյան  
Կ.Տ.



**ՆԱԽԱՀԱՇԻՎ**

«Երևանի ուրարտական ժառանգությունը» (Էրեբունի, Կարմիր բլուր հնավայրեր, Երևանի բիայնական դամբարան)՝ ՅՈՒՆԵՍԿՕ-ի Համաշխարհային ժառանգության նախնական ցանկում ընդգրկելու հայտի մշակում և ներկայացում» ծրագրի իրականացման ծախսերի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար դրամ)	Գումարը (հազար դրամ)
1	<b>Աշխատանքային խմբի վարձատրություն</b> (ներառյալ հարկերը)*				<b>2700.0</b>
1.1	Ծրագրի գիտական պատասխանատու (ծրագրի իրականացման ընթացքի վերահսկում, աշխատանքների կազմակերպում, հնագիտական տվյալների համակարգում և մշակում, հուշարձանների նկարագրագրություն, ուրարտական ժառանգության համատեքստում քննարկում, դիմում-հայտի պատրաստում)	մարդ	1	325.0	325.0
1.2	Թարգմանիչ (դիմում-հայտի տեքստերի թարգմանություն՝ հայերեն-անգլերեն)՝ 40 էջ	մարդ	1	400.0	400.0
1.3	Խորհրդատու (գիտական հարցերով)	մարդ	3	130.0	390.0
1.4	Երկրաբան (հուշարձանների աշխարհագրության, երկրաձևաբանության, ջրագրության, ինչպես նաև հրաբխականության և ծագումնաբանության նկարագրություն)	մարդ	1	350.0	350.0
1.5	Հնէաբան (հուշարձանների տարածքների ակտիվ խզվացքների, պատմական և արխեո-սեյսմիկության, նստվածքաբանության, շերտագրության և հնէաբանության նկարագրություն)	մարդ	1	425.0	425.0
1.6	Հնարուսաբան (Էրեբունի և Կարմիր բլուր հնավայրերի տարածքների բուսական աշխարհի նկարագրություն )	մարդ	1	400.0	400.0
1.7	Քարտեզագետ (GIS համակարգի կիրառմամբ քարտեզների պատրաստում)	մարդ	1	410.0	410.0
	<b>ԸՆԴԱՄԵՆԸ</b>				<b>2700.0</b>
	<b>ԱԱՀ**</b>				<b>540.0</b>
	<b>ԸՆԴԱՄԵՆԸ, ներառյալ ԱԱՀ</b>				<b>3240.0</b>
	*Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով:				
	**ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:				

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
Հ/Հ 900011046704  
ՀՎՀՀ 02698732

Գլխավոր քարտուղար՝

Հ. Հակոբյան

Կ.Տ. 02698732



**ԿԱԶՄԱՎԵՐՊՈՒԹՅՈՒՆ՝**

«Պատմամշակութային ժառանգության  
գիտահետազոտական կենտրոն» ՊՈԱԿ  
ք. Երևան, Փ. Բուզանդի փ. թիվ 1/3  
ՀՀ ՖՆ գործառնական վարչություն  
Հ/Հ 900018001785  
ՀՎՀՀ 02511444  
Հեռ.՝ 010 52-66-18

Տնօրեն

Մ. Հարությունյան

Կ.Տ.



**ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ**

Կատարող կազմակերպությունը \_\_\_\_\_

Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+/- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« \_\_\_\_ » \_\_\_\_\_ 2024 թ.

**Կատարող կազմակերպության  
ղեկավարը՝**

----- (անուն, ազգանուն)

Կ.Տ.

**ՀՀ ԿԳՄՍ նախարարության՝  
փաստաթղթերն ընդունող  
պատասխանատու՝**

----- (անուն, ազգանուն)

Կ.Տ.

**Կատարող կազմակերպության  
գլխավոր հաշվապահը՝**

----- (անուն, ազգանուն)

**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի և  
սպորտի նախարարություն  
Հասցե՝ ք. Երևան, Վ. Սարգսյան 3,  
Կառավարական 2-րդ շենք  
ՀՀ ՖՆ գործառնական վարչություն  
Հ/Հ 900011046704  
ՀՎՀՀ՝ 02698732

**ԿԱԶՄԱԿԵՐՊՈՒԹՅՈՒՆ**

**ԱՐՁԱՆԱԳՐՈՒԹՅՈՒՆ  
ՀԱՆՁՆՄԱՆ-ԸՆԴՈՒՆՄԱՆ**

ք. Երևան

«    » «    » 2024

Պայմանագրի համարն ու կնքման ամսաթիվը՝ N ՄՇԴ «    » «    » 2024 թ.

Պետական մարմինը՝ ի դեմս ՀՀ կրթության, գիտության, մշակույթի և սպորտի  
նախարարության գլխավոր քարտուղար \_\_\_\_\_-ի (անուն,  
ազգանուն) և կազմակերպությունը, ի դեմս «

նախագահ \_\_\_\_\_-ի (անուն, ազգանուն), հիմք  
ընդունելով պայմանագրի կատարման վերաբերյալ բովանդակային վարչության «    » «    »  
2024 թ. եզրակացությունը, ինչպես նաև նախարարության հաշվապահական հաշվառման  
վարչության «    » «    » 2024 թ. N «    » եզրակացությունը, կազմեցին սույն  
արձանագրությունը հետևյալի մասին.

Կազմակերպությունը պայմանագրի շրջանակում իրականացրել է  
միջոցառումը, իսկ պետական մարմինը  
վճարել է դրա դիմաց՝ պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

**ԿԱԶՄԱԿԵՐՊՈՒԹՅՈՒՆ՝**

ՀՀ կրթության, գիտության, մշակույթի  
և սպորտի նախարարություն  
Գլխավոր քարտուղար՝

Տնօրեն՝

Կ.Տ.

Կ. Տ.

Գլխավոր քարտուղարի տեղակալ՝